

# OMUKWETU

Registered at the General Post Office as a Newspaper

10c



**Etoloko lyEtestamendi Epe melaka lyOshindonga, olya pwa nale nokuli okunyanya-  
ngidhwa notali taambathanwa pashituthi kOngeleka, miikaha yEhangano lyokunyanya-  
ngidha Oombimbeli Iya S.A. mOlukonda 9.5.1976.**

**Etoloko lyevangeli paMateus melaka lyOshixwaga (Oshikwankala) nalyo otali gandjwa  
moshituthi shoka.**



## OSHINYANYANGIDHO TASHI GANDJA OMBILI

Omolwevundakano ndyoka li li momapandja gOkatikisa Okashona, sho oohapu dhepandja eti 7 dha pingathana nodhepandja 15, otatu gandja mpaka ombili kune amuhe aalandi naalandithi yomambo.

Otashi ti oohapu dhepandja 7 odho dhi li kepanja eti 15, naandhoka dhepandja eti 15 odho dhi li kepanja eti 7. Mokulesha ngele owa mana epandja eti 6, nukila kepanja eti 15 nongele ndika we li mana ko, galukila ihe keti 7. Okuza pepandja eti 8 oohapu odhi li ishewe melandulathano ngashi shi na okukala.

Aalandi, inamu dhenga aalandithi. Epuko kali shi lyawo, aawe, olyOshinyanyangidho. Oshinyanyangidho oshi ilongekidha okwoopaleka epuko lyasho.

Okambo ngele oka galulwa ke li monkalo ombwanawa, inaaka luudha, inaaka tuuka ko inaaka dhanwa noopena nenge sha shilwe, omapandja otaga tulwa melandulathano pethimbo tuu ndyoka nomuntu ota vulu okushuna nako. Uumbo mboka u li mOstola yomambo ngashingeyi owa opalelekwa nale nokuli.

Oshinyanyangidho osha lesa wo mOmukwetu ombilive yomupashukili woshitaingeleka shaUkwanyama, tatekulu F. Shikomba, moka a indile Epangelongeleka li hedhe kOshinyanyangidho, omolwomadhina gomangalo, Edundja nOkalongo, ngoka inaaga holokela mOndjalulamasiku 1976.

Oshinima sho sha etitha omaipulo noma limbililo ngawo, Oshinyanyangidho otashi gandja wo ombili kOshitayingeleka shoka omagongalo gasho ga dhimbiwa po naasita yago mOkalindeli.

Okwaaholoka kwomagongalo mOndjalulamasiku, osho owala epuko lyopailonga yenyanyangidho. Kape na omadhiladhilo gasha andola ngoka ga etitha po omadhina ngoka ga thigwe po, aawe.

Ano Oshinyanyangidho otashi indile natanango ombili kumboka ya gumwa noyu uvithwa nayi momadhiladhilo koshinima shika. Ombili! ombili! ombili, aamwameme!

Medhina lyOshinyanyangidho  
**M. Amkongo**

### OUPROFETI MOLWOUKRISTE MU AFRIKA

EXUNGANEKO LA HOLOKA PAIFE OTALI TI NOKUTYA, APA TU KA ILA MOMUDO 2000, OVAKRISTE VAHAPU OTAVA KA KALA MUAFRIKA. PAIFE OKU NA OVAKRISTE EEMILIYONA 1,914 MU AFRIKA. OVAKRISTE AVESHE MOUNYUNI EEMILIONA 6,126. OMUVALU OU OWONGELEKA YAKATOLIKA KAROMA AIKE.

(Africa Acts)

## OMUKATA NA FYAALE

Ounyuni wonena otatu ningi "Omukata na fyaale, omunamaulu a ka lombwele keumbo." Moshinima keshe, moilonga, meshingifo, meitavelo nomomahangano.

Ovaeangeliste amushe va ELOK, ovakwaita vanekanda, oikongi yongobe yahaivinga, ya nashitayi shiyala. Eedula otadi ka ninga 5 lwaapo, eshi twa hovela ongovatoti vehanganu letu. Ndele eshi nda tala oshinima itashi katuka nande. Valumenhu nye, ofye hatu ningi ovakata mOngeleka?

Nokuyandja ngoo koovene kwaava hava yandje, inakupashuka. Kaku fike pamwe. Omalipopilo amwe taa ti: Oundjabi ovanini, ngashi vanini tuu shili. Ndele eshi nee vanini, natu ninge nee ovakata molwavo?

Vakwaita vanekanda, manga twa hovela, tu pendapaleni tu ninge ehanganu letu. Oshinima sheendjabi kashi fi shetu, oshovatukuli veendjabi.

Ohandi mu indile nefimaneko tu diladileni nawa oshinima osho, fiyo okomashakeneno, Kalunga ngenge e shi hala. Otwa fa nga tu na oshoongalele pexulilo lomudo 28.10.76, tu kale tu na eufu nokutya oshinakuwanifwa shetu alushe oshilipilo momudo.

Ovatambuli vainakuwanifwa nava etelele omuvalu ou ve kwete.

Ondjila yoye i twika Omwene ove u mu linnekele, oye note i fikifa Ps.37:5.

**Ev. L. Kaishungu**



**Omuyevangeliste Lot Kaishungu**



# EDHINA KALUNGA TWE LI PITIKILWA

**Edhina lyoye onde li hololele aantu mboka we ya pe ndje, oyo noya dhiginine oohapu dhoye. Ngashingeyi oye shi shi, ayihe mbyoka we yi pe ndje, oya za mungoye ..... Joh. 17:6-8.**

"Edhina lyoye onde li ya longo," osho Jesus ta gandja ehokololo lyiilonga ye kuHe. Osho oshilonga shomutumwa kehe nenge shomunashilonga kehe, a gandje ehokololo lye kumwene gwoshilonga.

Ngiika oku na oyendji ya dhimbwa oshinima shoka kutya onaya ka gandja esiku limwe ehokololo lyiilonga yawo, nenge ya dhina okukalamwenyo kwawo kutya itamu tegelelwa mu ze ehokololo lyasha.

Natu tale iinima iyali mbyoka yi li mehokololo lyajesus ndyoka te li gandja.

a) Okuholola edhina lyomuntu paTestamendi Ekulu, itaku dhiladhilwa ashike okulonga aantu kutya nguka oJohannes nenge oSelma. Edhina otashi ti, uukwatya waSelma nenge waJohannes owa tya ngiini. Omunkundi nenge omunankondo. Omunahole nenge okuto nde aantu.

Omupsalomi ota ti: Edhina lyoye onda hala ndi li uvithile ooyakwetu. 22: 23. Kokutya onda hala okulonga yakwetu kutya Kalunga omuntu a tya ngiini.

Uuna tatu tseya uukwatya nonkalo yomuntu, opo wo hapu zi einkelo lyetu oku mu inekela nenge oku mu dhina.

Oshigwana shandje oshi na okutseya edhina lyandje. Osho Jesaja ta hunganeke 52:6.

PuJesus nomuJesus omo tatu ilongo omutima gwaKalunga nkene he tu dhiladhila. "Ngoka a mono ndje, oye okwa mono tate, osho Jesus a longo. Joh.14:9.

b) Ihe ope na wo onduge onkwawo metumbulo lyajesus. Aajuda nge taa tumbula edhina lyakalunga otaa dhiladhila oondanda ine, I H W H (Jahweh nenge Jehovah).

Oondanda ndhoka oye dhi tala oondjapuki, nedhina wo ndyoka oye li tala eyapuki, kali shi lyokutumbulagulwa osima. Aapilisteli ayeke ye li pitikilwa okutumbula montempeli muuyapuki wuuyapuki moka hamu yiwa lumwe aluke momumvo. Peha lyedhina eyapuki Jehovah, aantu oya longitha owala **Adonai**, ndyoka tali ti, Omuwa.

Osho shoka Jesus ta holola mehokololo lyiilonga ye te li gandja kuHe kutya, onda kutha po maantu uumbanda wokutumbula edhina lyoye.

Shaangoka ngashingeyi oku na ompito ndjoka ye eguluka oku li tumbula shimpa tuu te li pumbwa, na kale okwa shunduka a tya ngiini.

Opompito ndjika ihaatu dhimbwa okutumbula momagalikano getu: Otatu ku indile shika Kalunga Tate, medhina lyajesus Kristus. Oshoka omuye shili twa pewa uuthemba kwokutumbula tu ukilila Kalunga.

**Sebulon Ekanjio**

## SCM NAAILONGI

Sho nda li moskola onda pulwa olwindji kaalongwa ooyakwetu unene mOngwediva opo ndi fatulule kutya SCM oshike. Mpaka onda hala okuyelitha ELALAKANO paufupi nando itandi ka yamukula naanaa omapulo agehe.

### OSHALALAKANWA

SCM ngoka ta tolakwa mo mOshingilisa "Student Christian Movement", Ehangano lyaaailongi aakriste. Ekotadhiladhilo olyo okutaneka ukriste maalongwa mboka yaa li we paakuluntu yawo oku ya longa ukriste.

Tse aantu otwa thikama miinima itatu: olutu, omadhiladhilo nombepo. Iinima iyali nda tumbula petameko otashi vulika yi kale ya putudhwa nawa nomuntu ota vulu okuhupa nawa pokathimbo.

Ihe onkalamwenyo ye yokomeho e yi dhimbwa, iinima yopaKalunga mbyoka tayi ka kalelela. Ehangano ndika otali lalakanene omuntu a koke muuthikepamwe mbuka.

Epulo kaalongwa oli li ihe mpaka kutya mehangano ndika otandi thiminikilwa mo? Ngele otatu ti eeno nenge aawe, nena pamwe otatu puka.

Shoka shi li mondjila nando inandi ilonga uuteologi muule osho shoka kutya, omulongwa oku na okuthiminikilwa mo, nando hanongola nenge u undulilwe mo, ihe okombepo tuu ndjoka Kalunga eyi shitile muye tayi mu dhiladhilitha. Omuntu oye mwene na tokole.

Osho elalakano lya SCM okukumika aalongwa ya kale aainkelwa komagongalo gawo. Okutula kumwe aalongwa yomagongalo gi ili nogi ili pamwe nokukundathana omaudhigu ngoka ge li pokati kawo, yo ya longele Kalunga kawo.

Oshoka kaku na ookalunga yaali. Jesus Kristus gumwe awike.

### EHANGANO NDIKA OLYA LYE?

Olyomwiilongi kehe ngoka a shashelwa medhina lyakalunga katatu gumwe.

SCM is always for the Church, but is not to be identified with anyone Church.

**A. W. Amutenya**

Inapu kala nando gumwe ta dhini uugundjuka woye, ihe u kale omuholelwa gwoitaali, moohapu, mokweenda, mohole, meitaalo nomuuyogoki. Dhiginina okulesha nokukumagidha nokulonga sigo tandi ya 1Tim.4:12,13.



“Ohapu yomushigakano oyo oonkondo dhaKalunga.” 1Kor.1:18.

**Natanael Shinana,**

taka enda ngeyi:

EUNDA	3-7.5.1976
ELONDO	10-14.5
OTHIKA	17-21.5
ONANGALO	31.5-1-4.6
OLUPANDU	7-11.6
OKATOPE	14-18.6
ENDOLA	12-16.7
OHALUSHU	19-23.7

**Efraim Angula,**

taka enda ngeyi:

ONESI	3-7.5.1976
ELIM	10-14.5
OKANDO	17-21.5
ONGWEDIVA	Sek. 31.5-1-4.6
ONGENGA	7-11.6
OKALONGO	14-18.6
ONHELEIWA	12-16.7
ONGWEDIVA	19-23.7



### OONKUNDANA PAFUPI

Oraata yegameno yiigwana ya hangana oya gandja ombedhi ku S. Afrika sho aakwita ye ya tondokele muAngola pethimbo lyiita yaakwashigwana.

Oraata ndjika oya tokola nomawi 9 inaaga kondjithwa, kutya S. Afrika na fute eyonuko lyaashihe shono sha ningwa muAngola o-molwiita. lilongo itano oyi ikutha mo metokolo ndika.

(Comment and Opinion 9/4/76)

Omadhina gAawambo yaali mboka ya kondjo naapolosi mOkatutura kaVenduka oga tseyithwa. Oyo Kanisius Heneleshi (22), (Heinrich) ngoka a fadhuka po na Nduuvu Nangolo (23) ayehe Aakwambi.

Mekondjo ndika omwa sile omupolosi gu-mwe, shisande Cedekia Ogamb namukwawo Simon Nghoshi e ehamekwa.

Nduuvu naye okwa yahwa mela nokwa dhigininwa moshipangelo. Aawambo mboka yaali otaya fekelwa nedhipago lyaatiligane kOshaanda nokOkahandja.

(Suidwester 20/4/76)

### OMATHIMBO GOKUGONGALA

**Omaandaha,** omwewangeliste ota thiki pegongalo (otashi vulika wo ta thiki esiku lyatetekela). Esiku ndyoka oshigongi otashi tameke mongeleka potundi onti 3 komatango.

**Etiyali,** oshigongi otashi ningwa komukunda pethimbo lyongula okutameka potundi onti 10 yongula. Komukunda aantu naa kale ya tseyithilwa nawa, ya tegelele oshigongi. Napu kambadalwe ando ayehe ya kale ye shi uva.

**Etitatu,** oshigongi opethimbo lyongula, tashi ningwa komukunda omukwawo, otundi onti 10 yongula, kwa longekidhwa nawa.

**Etine,** okomukunda gwombinga onkwawo, kwa longekidhwa nawa, aantu ya vule okugongala potundi onti 10 yongula.

**Etine,** oku na oshigongi shaanangeshefa ayehe yomegongalo, tashi tameke petata lyotundi onti 6 kongulohi.

**Etitano,** Oshigongi tashi ningwa mongeleka amuke,okutameka potundi onti 11 yongula.

**Ndhindhilika:** Oshigongi otashi kala mongeleka esiku kehe okutameka potundi onti 3 komatango. Ongundu yolwiimbo otayi imbi mongeleka nokomikunda. Oshiwikembimbeli megongalo nashi longekidhwe nawa, oyo omalweendo ge na ondilo gaa hepe owala. Ongundu yegalikano nayi taambe megalikano oshiwikembimbeli manga inaashi tameka nomethimbo sha tameka.

### PANDULWENI NE AAMWAMEME

Otandi pandula aamwameme muKristus, mboka mu li mOmoonda nomOmbaye 205 yomomihoko adhihe. Tangi keyakulo lyeni sho mwa yakula ndje moompumbwe ndhoka kwa li dhe enditha ndje dhokuyakula nadho mepya lyOmuwa mOnkule, muuzilo wOndonga.

Otandi mu halele eyambeko, lyatate gwopombanda. Ne mu pe oonkondo dhomeitaalo nomiilonga yeni wo. Oshilonga shika mwa longa, kashi shi osima, aawe, omOmuwa.

Mwa pe ndje omagulu ndi ka konge oonzi dhaKalunga dhi ye kumwene gwadho.

Inamu dhimbwa ndje momagalikano geni.  
John Kambungu



# ONGALO YEHAMBELELOEGULULOSHINYANYANGIDHO NONGALO YOKRISMESA MU ELOK 1975

Ombapila yepandulo ya zi mombeleva yAakwaluther muGeneva, ya nyolwa kumeme Christa Held ngoka a li pamwe natse moshituthihambelevogululoshinyanyangidho, oya thiki ngashingeyi mombelewangeleka. Meme Christa ota nyola ngeyi:

"Otashi vulika mu limbililwe kutya omolwashiike sha pula ethimbo ele okuholola ongalo onkumithi ndjoka ya gongelwa melongelokalunga yoshituthihambelevo shOshinyanyangidho pOniipa, nongalo yaKrisimesa yomumvo 1975 nkene ya longithwa. Ihe natu tumbule tango enenenyanyu lyetu kOngeleka ya ELOK.

"Omwaalu aguhe kumwe ogwa li R2,453-80 ngoka gwa ningi oodola 3,558.15. Pethimbo twe gu pewa, oyo wo ethimbo twa pewa eindilo lyonkalu lya zi kOngeleka yomuTanzania yoshitopolwa shaMbulu, (omuhoko gumwe gwoophepele mu Tanzania) tali holola aantu ye li momaluhepo omanenenene.

"Ongeleka ndjoka oya toto po opoloqrama vekwatho, opo omagongalo 7, mwa kwatelwa oshipangelo shopuHaydom, ga kwathwe. Omusitagongalo megongalo kehe okwa pewa oshimpwiyu okutopolela aanaluhepo iipalutha, naantu ye thike 7000, oya kwathwa.

"Oodola 1,858-15 dha zi kune, odha kwatha mopolograma ndjika. Oodola dha hupu, (R1, 700) elongitho lyadho otamu li hokololewa komusamane Törner.

"Oshilonqa sheni shehwamo, osha ningi shotango mehistolli lyOngeleka dhetu muAsia. Afrika nence muLatin Amerika, nomwa tulwa melandulathano lyaakwathikalelipo yetu, notatu shi inenepekele. Tangi unene."

**Omusamane Törner, ota nyola tati:**

"Mondjila oyo tuu ndiika otwa hala okupandula unenenene onkundana ombwanawa kutva, Ongeleka ya ELOK ova ningi oongalo mohokwe yaanaluhopo muSudan shi li muumbugantu waEgipiti. Ekwatho lyoye lyoodola 1.700 mopumbwe yAakwaluther muSudan, moshilonga shokutaandelitha uukolele nomiiponga yombadhilila.

## OMAGONGALO GA ELOK NAGA HAMBELELE WO

Epangelongeleka moshigonci shalyo sheti 30-31.3.1976 olya holola euvitopamwe lye-nyanyu nongeleka onkwaevangeli paLuther yahangana mu S. Afrika (ELKSA), sho pwa thikwa monkatu yokuhangana.

Pehulilo lyomumvo gwa zi ko oongeleka ne mu S.A. odha hengumukile mumwe nodha ningi Ongeleka yimwe ayike onkwaLuther tayi lelwa komumbisofi gumwe.

Omumbisofi Paulus Mhlungu omuleli gwOngeleka ndjoka. okwa li a ningi eindilo komagongalo agehe gomOongeleka dha yi mumwe, ga dhane oshituthihambelevo shuukumwe, Kalunga sho e enditha omalongekidho agehe.

Epangelongeleka lya Elok olya dhimbulutha omagongalo agehe ga Elok ga hambelele wo pamwe naamwameme yomu S. Afrika, omolwomagano gaKalunga ngoka te ga gandja kooitaali ye, sho taa kongathana notaa hangana kumwe.

"Ohokwe yoye okukwatha momaluhepo gomuSudan, oya nyanyukilwa unene mpaka muGeneva, noya ningi olunzahwamitho kutse atuhe miilonga. Natango otatu mu pandula."

Oombapila ndhika mbali dha lundululwa pashitya, opo iilyo ya ELOK mbyoka ya li ya gandja nehawamo lyokukwatha, yi dhimbululele ekwatho olya thiki.

Tse AELOK otwa pewa, nohatu pewa omakwatho omanene ge vule ndyoka twa gandja. Shono twa gandja nando oshishonashona, otwi inekela Kalunga ote shi yambeke, nota yambeke unene mboka ye shi gandja.

**M. Nghipandulwa**



**Christa Held, omunambeleva mOngongahangano yAakwaluther**

Omwaalu omunene gwooranda omayovi 7, ogwa dhiladhililwa okupewa kehe gumwe ta gandja uyelele wokukwatitha omufadhukupi Kanisius Heneleshi (Heinrich) ngoka a fadhuka po aapološi molukanda lwaVenduka, omasiku ga ziko.

**(Suidwester 20/4/1976)**

Oshifo "Rand Daily Mail" shomuJohannesburg, osha ti kutya omusamane Jannie de Wet mOwambo, ngele ota ti kutya otapu kala evundakano oonkundathana dhonakuyiwa yaSuidwes mOvenduka, ngele otadhi kaliwa koongundu adhihe dhopapolotika, osho wo naanaa evundakano tali kala po, ngele Swapo ita pitikwa mo mudho.

**(Suidwes-Afrikaaner 15/4/76)**



## "SENEGAL EPYA LETUMO LA DIMBIWA PO KWALI"

Senegal osho oshilongo shimwe shomoi longo oyo ya yaamena kefuta laAtlanta mounginginino waAfrika. Senegal ngaashi oilongo yomuAfrika, osha li koshi youkoloni nosha li mo-make Ovafulanisa. Mokati kovanailongo ovo ve uya koumbuwanhuninginino waAfrika, omwa li ovo ve na "ondaka" ipe ya wapala, oyo ondaka yexupifo laKristus, manga vamwe ve na omalalakano e lili. Euyo IOvaeuropa kuAfrika, olo la tameka 1444, ola eta Senegal shi ninge oshipangelwalongo shaFulanisa 1854. Shoo osha manguluka 1960.

Moule wefimbo alishe eli ongeleka onkwaKatalika oya longa ashishe osho tai shi dulu mokweehenifa omwaalu wovaitaveli fiyo 5%, dovakalimo vomoshilongo. Epelesenda 8% odo Ovamuhamendi, epelesenda 10% ovoo-vo ve na eitavelo lopaukwashiwana.

Moshinyolwa shaye shimwe Omutumwa wEhanganotumo laSoomi, omufita Stig-Olof Fernström okwa ti:

"Senegal olo epya letumo la dimbiwa po kwa li."

Ngenge hatu tale kevalulo otashi yela nawa kutya olo epyatumo la pumbiwa okulongwa. Omwa li yo etumo limwe olo la dja mo, nomu na etumo longeleka yovaBaptisme (Ovashashululi) yokuAmerika.

Mokuyambekelwa oshilonga shoutumwa mungeleka yaNiipa 4-1-76, otwa fika muSenegal mefiku 15-1-76 pamwe neumbo lange notwa kala mo fiyo 22-1-76.

Onda mona nokuli, kutya heeno, oshilonga sheetumo muSenegal osha pumbiwa unene meendelelo nokuli. Mokati kovakwashilongo 25% oda hangika di shii okulesha nokunyola.

Otwa talela po omikunda odo da dingonoka M'Bour oshilando omo mu na ovatumwa vatano ovo hatu ka longa pamwe navo Stig-Olof Fernström nahefelo Fernström, nounona vavali Göran Särs nahefelo Särs, Mej. Paula Poukonen.

Momikunda ovanhu ovo nge Ovamuhamendi ile ovaneitavelo likulu, ova pumbwa okulongwa Jesus Kristus omunamwenyo. Ova pumbwa yo okukwafwa moinama i lili. Kombinga yoilonga, ohava longo, osheshi mokulima eembudufukwa ovo ovatine monyuni. Oilonga yomake ove i shi vo nepangelo ole litula mo okuyambula po oshiwana shalo.

Ouhaku oo tau kufa onomola yotete muSenegal. Oshipangelo shinene oshi li muDakar, oshilandopangelo, omo nokuli mwa monika omuti wokutunhilifa oudu "Yellow fever". Mu M'Bour omu na ondohotola imwe aike ndee kai na ovahakuli. Eshi nee twa enda fiyo eekilometa 15 otwa hanga ovanhu va pumbwa ekwafo louhaku. Mokati kovatumwa vatano umwe auke omuhakuli. Otaku ka kala ovahakuli konima yefimbo.


Omutungilo woshilongo tau holola Afrikalela, osheshi osha faafaana. Oku na oivanda, omwoongo, omwandi, omilunga omukwiyu nomukwa. Oixwa oshingodwe nomumangadjaba. Omunhu ito djuulukwa noupu oku.

Paife otu li kofikola hatu lilongo Oshifulanisha muFulanisa nohatu ka shuna koilonga diva.

Oshinenenima osho twa dimbulukwa osho eshi, kutya oilonga otai longwa puhe na ovanhu. Ovatumwa ovalundulula nokuli Okatikisa Kanini, Evangeli paMateus nomaimbilo amwe po mOshiserere, elaka limwe IOvase-negal.

Paulus Heita

## Otandi ya wilike ngele haa ende nokugalikana





## A pandula omukulukadhi gwe noshihauto

Tate Silas Kueyo okwa li a hiya aanezimo lye nookuume ke naashinda she ya nyanyuki-lwe pamwe naanegumbo lye pOluno 22.2.1976.  
Kakwa li nando omuntu gumwe a lombwelwa kutya elalakano lyoshituthi olyashike. Aayenda yoshituthi sho ya gwana po, mwene gwegumbo konima yegalikano okwa ti:

MEME TOINI KWEYO NGOKA  
A SIMANEKWA NESIMANO E-  
NENE LI THIKE MPOKA, OKWA  
THIKAMA POSHIHAUTO SHE.



"Aaholike mweya moshituthi, onde mu ithana tu hambeleni Kalunga pamwe naanegumbo lyandje meme Toini Kueyo omutekuli gwandje nogwaamwandje, aalelwa naanezimo lyandje.

Ongeshefa yetu otwe yi tameke 1953 nompunda yosuuka tayi landithwa mondooha. Kalunga okwe tu kwatha miilonga yetu nonda pandula meme Toini omolwuudhiginini we.

Onda kala nee te dhiladhila kutya meme Toini otandi mu pe shike. Iimaliwa, otandi mu landele oshiyata shondilo mbela nenge ote ningi ngiini? Imbeni manga eimbilo limwe."

Otwa mono tate Kueyo a yi mokati komahauto ge, okwa londo mu limwe ewanawa,

epe fela, "TOYOTA", nokwe ya nalyo.

Okwa gandja oshipatululo nokandumba kii-maliwa kumeme Kueyo a ka tule mo omahooli.

Aantu ayehe opo nee twa mono kutya otwa ithanenwa shike. Ongalo yuumbwa wo mpeyaka omwa zi R60,00. "Waa pandula noyaka:"

Oshituthi osha hulithwa negalikanohambeleso komulongi Salomo Akudhenga nEps. 103:1-2.

Muuyuni omuntu ota pandula mukwawo naambyoka tayi hulu po. Kalunga ote ke tu pandulitha okwaahulapo neadhimo neligolo omoshilongo she: Mat.25:14-23.

Omutali nawa:  
**Rev. Titus Ngula**

### ONKALO YOMAGONGALO 1975 PAITAYINGELEKA:

OSHIYAYINGELEKA	IIHUPE	IITAAMBWA	EKWATHO	KUMWE
1. ONDONGA	R 4361	R 42143	R 15930	= R 62434
2. UUNINGININO	R 3912	R 41213	R 18151	= R 53276
3. UUKWANYAMA	R 4579	R 40801	R 17787	= R 63167
4. KAVANGO	R 325	R 6859	R 5549	= R 12733
	R13177	R131016	R 57417	= R201610

Mpaka oto vulu okudhimbula ngoye mwene oshitayingeleka shoka sha gongele iimaliwa oyindji shi vule iikwawo, notandi inekele osho ngaa shi nesimanogongelo mu ELOK. Inatu dhimbwa ndhika.

"Okugandja oku na elago komeho gokutaamba."

**M. Nhipandulua.**



# GERRY'S MOTORS

Oyo ongalashe ompe popepi nOluno mOndonga.  
Ongalashe ndjika oyi na iilongitho iiwanawa.

- Ooindjina ohadhi hongwa nawa e tadhi kala dha fa oompe.
  - Oshihauto sholudhi kehe otashi vulu okupange-lwa nawa, ngaashi mwene a hala shi yakulwe.
- Ongalashe ndjika oyomusamane Gerhard Kambo-nde ngoka a putudhikika nawa moshilonga shuu-makeninga wiihauto. Okwa likola onzapo N.T.C. Nasionale Tegnieise Sertifikaat, konima sho a adhi-ka a piti tango omatilika muAugustineum mOve-nduka.

## EKUNDO KANANDJOKWE

Aanashilonga aaholike,

Ondi na ongunga momwenyo gwandje, sho mwa yakula ndje nohole onene sho nda li punie muJanuali 1976. Otandi mu halele omayambeko gaKalunga ge mu landule miilongayakulo mwe yi ithanenwa mehala lyoshipangelo shika oshiholike.

Kundweni one oosesitela, Matrone, aalongi yaapangi, aalongwapangi, oondohotola, aapangi, aayakulipangi, aayogi naakanguli, aateleki, aaopaleki, aakalele, aalongi meshina lyuusila, aatungi, aahingi, aahondji, aadhigini yegumbo naapiluli yomiti.

Shaa omunashilonga mOnandjokwe, onde ku halela uudhiginini miilonga yoye, oshoka oshilonga shoye oshi li po ekwatho lyomuvu kehe, osho nda koneke sho nda lala pune uule woshiwike shimwe.

Ote kundu wo omusita, aayevangeliste naadiakoni omolwoshilonga oshiwana shevitho lyevangeli lyoshilongo shaKalunga: Eimbilo 551.

Pehulilo otandi kundu wo aanyoli yuukalata naalongithi yomashina gi ili nogi ili naangoka ta longo poshiketha shootelefona.

Rev. Titus Ngula

## OSHIHAUTO TASHI LANDITHWA PO

*Kongalashe mOniipa, otamu landithwa oshihauto LANDROVER shomodela 1970 shoosilindela 6. Oshi li nawa notashi pula R1,800. Endelega manga kuyele u shi imonene.*

## OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala.  
Amushanga Rev. Sebulon Ekanjo.

Ondando yoshifo komumvo muSuidwes nomu-Afrika alihe R 2.00 kombanda yomafuta R 4.00.

Ondando nomambesitelo naga tumwe kOmwetu Oniipa: P/B. 2013, Ondangwa.

Omatseyitho agehe gomuntu mwene ohaga futi-lwa kumwene.

OWAMBOKAVANGO CHURCH PRESS  
PRIVATE BAG 2013. ONDANGWA S. W. A.  
9270